

**Микроқарз шартномаси**  
(намунавий шакли)

<b>Микроқарз тўлиқ қиймати _____</b> <b>( _____ ) % ни ташкил этади.</b>
---

\_\_\_\_\_ ш.

“ \_\_\_\_\_ ” \_\_\_\_\_ 20\_\_ йил.

Бундан буён шартнома матнида “Банк” деб юритилувчи АТБ “Универсал банк” номидан Низом ҳамда Ишончнома асосида иш юритувчи Банкнинг \_\_\_\_\_ филиали бошлиғи/бошқарувчиси бир томондан ҳамда бундан буён матнда “Қарздор” деб юритилувчи 19\_\_ йил “ \_\_\_\_\_ ” \_\_\_\_\_ да \_\_\_\_\_ туғилган, ҳозирда \_\_\_\_\_ да истиқомат қилувчи, \_\_\_\_\_ йил “ \_\_\_\_\_ ” \_\_\_\_\_ да \_\_\_\_\_ томонидан берилган \_\_\_\_\_ серияли \_\_\_\_\_ рақамли паспортга эга бўлган фуқаро \_\_\_\_\_ иккинчи томондан, ушбу шартномани қуйидагилар ҳақида туздилар:

**1. Шартнома предмети**

**1.1.** Банк Қарздорга шахсий эҳтиёжлари учун микроқарз (кейинги ўринларда—микроқарз) бериш мажбуриятини, Қарздор эса олинган микроқарз маблағларини белгиланган муддатда қайтариш ва микроқарздан фойдаланганлиги учун фоизлар тўлаш мажбуриятини олади.

**2. Микроқарз шартлари**

**2.1.** Микроқарз суммаси: \_\_\_\_\_ рақам билан \_\_\_\_\_ (сўз билан) \_\_\_\_\_ сўм.

**2.2.** Микроқарздан фойдаланиш муддати: \_\_\_\_\_ ой.

**2.3.** Микроқарз бўйича асосий қарзни қайтариш муддатлари жадвали (графиги) шартномага Илова қилинади:

**2.4.** Микроқарз бўйича йиллик фоиз ставкаси: йиллик \_\_\_\_\_ фоиз (ўзгармас, дифференциал ёки аннуитет).

**2.5.** Фоизларни тўлаш муддати: ҳар ойнинг \_\_\_\_\_ санасигача (ушбу санада ҳам).

**3. Томонларнинг ҳуқуқ ва мажбуриятлари**

**3.1. Банкнинг мажбуриятлари:**

**3.1.1.** Қарздорга мазкур шартномада кўрсатилган миқдорда ва шартларда микроқарз ажратиш.

**3.1.2.** Қарздорни Банк томонидан ажратилган микроқарзни муддатидан олдин ундириш асослари ва сабаблари ҳақида хабардор қилиш.

**3.1.3.** Мазкур шартномага қарздорнинг ҳуқуқларини чекланишига ва/ёки мажбуриятларини оширилишига олиб келувчи ўзгартиришларни бир томонлама киритмаслик.

**3.2. Қарздорнинг мажбуриятлари:**

**3.2.1.** Микроқарз ва унга ҳисобланган фоизларни мазкур шартномада белгиланган муддатларда ва миқдорда тўлаб бориш.

**3.2.2.** Микроқарздан фойдаланиш жараёнида микроқарзлашнинг асосий тамойиллари: муддатлилик, қайтаришлилик, тўловлилик ва таъминланганлик талабларига риоя қилиш.

**3.2.3.** Иш жойи, яшаш манзили, фамилияси, исми, алоқа рақамлари ўзгарганда ёки бошқа ҳолатлар мазкур шартнома шартларини бажаришга ҳалақит берса, 10 кун муддат ичида Банкни ёзма равишда тегишли ҳужжатларни илова қилган ҳолда хабардор қилиш.

**3.2.4. Қарздор қуйидагиларни тасдиқлайди ва кафолатлайди:**

**а)** Қарздор олинган микроқарз маблағларини ўз вақтида қайтариш ва микроқарздан фойдаланганлиги учун фоизларни ўз муддатида тўлаш, яъни ушбу шартнома шартларини лозим даражада бажариш мажбуриятини олади.

б) микроқарзни расмийлаштириш ва олиш учун Банкка тақдим этилган/этиладиган барча ҳужжат ва маълумотлар, уларни тақдим этиш вақтида ҳақиқий ва ишончли ҳисобланади.

в) қарздорлик муаммога айланганда ва ўз муддатида тўланмаганда, унинг сўндирилиши юзасидан амалий ёрдам сўраб, Қарздорнинг иш жойи, яшаш жойидаги МФЙ ва яқин қариндошларига Банк томонидан ёзма мурожаат қилинишига ўз розилигини беради ҳамда бу ҳолат банк сирини ошкор қилиш деб ҳисобланмайди.

г) Қарздорнинг ушбу шартнома бўйича мажбуриятларини бажаришдан бош тортиши, Қарздорнинг мазкур шартнома ҳамда Ўзбекистон Республикасининг амалдаги қонунчилигида белгиланган жавобгарлигини келтириб чиқаради.

### **3.2.5. Тўлов графиги бўйича тўлов кунидан 1 кун олдин микроқарз тўлови ҳақида огоҳлантирувчи СМС хабар жунатилишига**

а) Қарши эмасман  (имзо) Қаршиман  (имзо)

б) SMS хабар юбориш учун тақдим этилган мобил телефон рақами ўзгарганда ушбу ўзгариш ҳақида банкни хабардор қилиш ва янги мобил телефон рақамини банкка тақдим этиш;

в) Мижоз мобил телефон рақами ўзгарганлиги ҳақида банкни ўз вақтида огоҳлантирмаганлиги сабабли келиб чиқадиган яъни, SMS хабар банкка берилган дастлабки телефон рақамидан янги фойдаланувчига юборилганлиги оқибатида юзага келиши мумкин бўлган ҳолатлар учун жавобгар;

**3.2.7.** Қарз олувчи/қўшимча қарз олувчи мазкур микроқарз шартномаси юзасидан вужудга келадиган микроқарз қарздорлигини (асосий қарз, микроқарз қолдиғига ҳисобланган фоиз, юқори фоиз, пеня ва бошқалар) қоплаш учун номига очилган пластик карточкасидан акцепсиз равишда ечиб олинишига;

а) Қарши эмасман  (имзо) Қаршиман  (имзо)

### **3.3. Банкнинг ҳуқуқлари:**

**3.3.1.** Шартнома амалда бўлган даврда, қарздорнинг тўловга лаёқатсизлик ҳолатлари аниқланганда, қарздор томонидан микроқарзни қайтариш таъминоти сифатида гаров мулкани тақдим этмаса, ушбу шартнома бўйича ўз мажбуриятларини бажармаганда ёки лозим даражада бажармаганда, шартнома имзолангандан кейин тақдим этилган микроқарзнинг қайтарилишига таъсир кўрсатувчи маълумотларнинг ҳақиқий эмаслиги аниқланганда ҳамда Банкнинг ушбу шартнома бўйича мажбуриятлари кучга кирганидан сўнг Қарздор томонидан микроқарздан 1 ойдан кўп муддат давомида фойдаланилмаганда ушбу шартномада назарда тутилган микроқарзни беришдан бутунлай ёки қисман бош тортиш.

**3.3.2.** Микроқарзлаш жараёнида ажратилган микроқарзга тегишли бўлган ҳолатларни (микроқарзнинг таъминланганлиги, микроқарзга лаёқатлилиги ва бошқалар) таҳлил қилиш.

**3.3.3.** Қуйидаги ҳолларда Қарздорни бундан буён микроқарзлашни тўхтатиш ва фоизларни ҳамда микроқарз бўйича асосий қарзни муддатидан олдин, жумладан ундирувни микроқарз таъминоти ва қарздорнинг иш ҳақи ва унга тенглаштирилган тўловлари, банк пластик картаси ҳамда омонат ҳисобварақларида турган пул маблағларига қаратиш орқали ундириш:

а) микроқарз бўйича асосий қарз ҳамда унга ҳисобланган фоизлар бўйича тўловларни шартномада белгиланган муддатни икки ва ундан ортиқ мартаба бузган ҳолда тўланмаганда;

б) қарздор томонидан Банкка микроқарз ҳужжатлари расмийлаштирилаётганда тақдим этилган маълумотларнинг ҳақиқий эмаслиги аниқланганда;

в) ажратилган микроқарзнинг қайтарилиши турли сабабларга кўра таъминланмаган бўлиб қолган ҳолларда, шунингдек микроқарз қайтарилишига салбий таъсир кўрсатувчи мазкур шартномада кўзда тутилган бошқа мажбуриятлар бажарилмаганда.

Бундай ҳолларда Банк олдиндан 10 кун аввал қарздорни огоҳлантиради, аммо қарздорнинг Банк томонидан огоҳлантирилмаганлиги Банкнинг бундан буён микроқарзлашни тўхтатиш ва фоизларни ҳамда микроқарз бўйича асосий қарзни муддатидан олдин ундиришга бўлган ҳуқуқига ўз таъсирини кўрсатмайди.

**3.3.4.** Қарздорнинг микроқарз тарихини шакллантириш учун зарур бўлган маълумотларни Банклараро микроқарз бюросига тақдим этиш.

### **3.4. Қарздорнинг ҳуқуқлари:**

**3.4.1.** Микроқарз маблағлари ажратилишидан аввал Банкни хабардор қилган ҳолда микроқарз олишдан бепул асосда тўлиқ ёки қисман воз кечиш.

**3.4.2.** Қўшимча тўлов амалга оширмаган ҳолда исталган вақтда кредитни муддатидан олдин қайтариш.

**3.4.3.** Микроқарз қарзорликлари бўйича Банкдан маълумотлар олиш.

**3.4.4.** Микроқарз шартлари ва ҳисоб-китоблар бўйича Ўзбекистон Республикасининг норматив-ҳуқуқий ҳужжатлари ва Банкнинг ички меъёрий ҳужжатларидаги ўзгаришлар ҳақида Банкдан маълумот олиш.

## **4. Ҳисоб-китоблар тартиби**

**4.1.** Мазкур шартномада кўрсатилган шартлар асосида Банк Қарздорнинг талабига кўра нақд пулда ёки банк пластик картасига ўтказиб беради.

**4.2.** Қарздор берилган микроқарз учун фоизларни мазкур шартномада белгиланган муддатда ва миқдорда Банк амалга оширган ҳисоб-китоб асосида тўлайди. Фоизлар ҳар куни Банк томонидан ҳисоблаб борилади.

**4.3.** Қарздор томонидан микроқарз қисман муддатидан олдин сўндирилиши муносабати билан микроқарз бўйича тўловларни амалга ошириш саналари ва муддатлари ёки оралиқ микроқарз тўловларининг миқдорлари ўзгарганда микроқарзни қайтариш жадвалини янгидан расмийлаштирилиши мумкин.

**4.4.** Қарздор шартнома шартларига асосан ажратилган микроқарзни ҳамда у бўйича ҳисобланган фоизларни нақд пулда ёки нақд пулсиз шаклда, иш ҳақи ва унга тенглаштирилган тўловлар ҳамда банк пластик карталари орқали амалга оширади. Аввал Аввал кредит бўйича муддати ўтган фоиз, кредит бўйича муддати ўтган қарздорлик, муддатли фоиз, муддатли кредит қарздорлигини тўлаш, ундан сўнг қарз олувчининг бошқа тўлов мажбуриятлари сўндирилади.

**4.5.** Мазкур Шартнома бўйича Банк ўз талабларини қаноатлантириши учун зарур бўлган пул маблағларини Фуқаролик кодексининг 783-моддасига асосан, қарздорнинг ҳисобварағида (яъни, иш ҳақи ва унга тенглаштирилган тўловлари, банк пластик картаси ҳамда омонат ҳисобварағларида ва бошқалар) турган пул маблағларини тўлов талабномаси ёки мемориал ордер орқали сўзсиз тартибда Қарздорнинг розилигисиз ечиб олиш орқали микроқарз қарздорлигини қоплашга ҳақли.

**4.6.** Микроқарз шартларининг реструктуризация қилиниши, қарз олувчи томонидан микроқарз қисман муддатидан олдин сўндирилиши муносабати билан кредит бўйича тўловларни амалга ошириш саналари ва муддатлари ёки оралиқ кредит тўловларининг миқдорлари ўзгарганда банк кредитни қайтариш жадвалини янгидан тузилишини таъминлайди.

## **5. Микроқарз қайтарилишининг таъминланиши**

**5.1.** Мазкур шартнома асосида ажратилган микроқарз \_\_\_\_\_ билан таъминланади.

**5.2.** Банкнинг ушбу шартнома бўйича мажбурияти (микроқарз ажратиш) микроқарз олиш учун тақдим этиладиган барча ҳужжатлар, хусусан микроқарз қайтарилишининг таъминланишини белгиловчи ҳужжатлар белгиланган тартибда тўлиқ расмийлаштирилгандан ва у Банк томонидан олингандан сўнг кучга киради.

## **6. Томонларнинг жавобгарлиги**

**6.1.** Қарздор томонидан асосий қарзни қайтариш муддати кечиктирилганда (муддати ўтган микроқарз), Қарздор Банкка бутун кечиктирилган давр учун шартномада белгиланган фоиз ставкасининг 1,5 барабар оширилган миқдорида юқори фоиз тўлайди.

**6.2.** Мазкур шартномада белгиланган муддатда Банк томонидан микроқарз маблағини ажратиш кечиктирилганида, Банк Қарздорга кечиктирилган тўловнинг ҳар бир куни учун кечиктирилган тўлов суммасининг 0,1 фоизи миқдорида, аммо кечиктирилган тўлов суммасининг 50 фоиздан ошмаган миқдорда пеня тўлайди.

**6.3.** Томонларнинг жарима ёки пенялар тўлаши тарафларни шартнома шартларини бажариш мажбуриятидан озод қилмайди.

### **7. Низоларни ҳал этиш тартиби**

**7.1.** Томонлар ушбу шартнома юзасидан келиб чиқиши мумкин бўлган келишмовчилик ва низоларни музокара ва маслаҳатлар йўли билан ҳал қиладилар.

**7.2.** Агарда кўрсатиб ўтилган келишмовчилик ва низолар музокаралар йўли билан ҳал этилмаса, улар Ўзбекистон Республикасининг амалдаги қонунчилигига асосан Фуқаролик ишлари бўйича судда ҳал этилади.

### **8. Бошқа шартлар**

**8.1.** Ушбу шартнома шартларини ўзгартириш ёки уни бекор қилиш қўшимча келишув тузиш орқали амалга оширилади. Мазкур шартномага киритиладиган ҳар бир ўзгартириш ва қўшимчалар ёзма равишда тузилиб, томонлар имзолаганидан сўнг ҳақиқий ҳисобланади. Барча ўзгартириш, қўшимчалар ва иловалар мазкур шартноманинг ажралмас қисми бўлиб ҳисобланади.

**8.2.** Ушбу шартнома бекор қилинишида қарздор микроқарз бўйича асосий қарз ва ҳисобланган фоизларни тўлиқ қайтариши шарт.

**8.3.** Банк Қарздорнинг микроқарз тарихини шакллантириш учун зарур маълумотларни Марказий банкнинг КАТМ базасига ва микроқарз бюроларга тақдим этади ва олади.

**8.4.** Ушбу шартномада кўзда тутилмаган, у билан боғлиқ бўлган барча муносабатлар Ўзбекистон Республикасининг амалдаги қонунчилиги билан тартибга солинади.

**8.5.** Томонларнинг манзиллари ўзгарган ҳолларда 10 кун муддат ичида албатта бир-бирларини ёзма равишда хабардор қилишлари шарт.

**8.6.** Мазкур шартнома томонларнинг ҳар бири учун бир хил юридик кучга эга бўлган икки нусхада тузилди.

### **9. Томонларнинг юридик манзиллари ва имзолари**

<b>Банк</b>	<b>Қарздор</b>
Манзил:	Манзил:
	Паспорт маълумотлари:
СТИР:	СТИР:
<hr/> <i>(филиал раҳбари, Ф.И.Ш., имзоси)</i> <hr/> <i>(бош бухгалтер Ф.И.Ш., имзоси)</i> <hr/> <i>(ҳуқуқиунос-маслаҳатчи Ф.И.Ш., имзоси)</i>  <i>муҳр, сана</i> <span style="float: right;"><i>й.</i></span>	<hr/> <i>Ф.И.Ш., имзо)</i> <i>сана</i> ____ ____ ____ <i>й.</i>